

Guangjisi Minzcu Bau

ganhhau: CN45-0036 B.2018 Nd.7 Ng.11 liggaeuq fouhswt nienz ndwenngux ngeihbet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3332期

Bingzloz Yen Netsaed Guh Ndei Hong Swnjcienz Baujhoh Vahyauz

平乐县扎实做好瑶语传承保护工作

Vih cietsaed ca ndei hong vat-cimh, cingileix, baujhoh caeuq swnjcienz vwnzva Vahyauz, Bingzloz Yen Minzcunghgiz doiq gij cingzgvang yungh, daegdiemj faenbouh sawloih vahgangj Yauzcuz guh ciendaez diu-
caz, soucomz dawzndei hauilai caizliu yienghnduj, faensik cingihab le giet-dingh yungh lai hingzsik, lai diuz roen dawz hong Vahyauz swnjcienz caeuq fatyienz roengzbae.

It dwg banh aen ban son'gyauq saw vah Yauzcuz, cingj lauxsae song saw vah youq Dafaz Yauzcuz Yangh

Cungsim Siujyoz caeuq Minzcuz Cunghyoz, yungh dangzgoq mizyinx hailaeb sonhag Vahyauz, swnjcienz baujhoh conzdungj vwnzva minzcuz vunznoix, aeu daj hag saw vah guh hwnj.

Ngeih dwg yungh dieg vwnzva hozdung dieg comzyouq minzcuz lajmbanj, laeb aendieg doxyau vah minzcuz vunznoix. Hawj beixnuengx Yauzcuz rox gangj Vahyauz haenx youq dieg hozdung doxyau vahgangj caeuq doiq ciengq fwen Yauzcuz, yungh gij heiqaen gikcingz angq-

yangz neix daiqdoengh beixnuengx Yauzcuz henz ndang hag vah Yauzcuz.

Sam dwg cungfaen yungh QQ, veihsin daengj lai cungj bingzdaiz gwnz muengx, haenqrengz senhconz gij daegbiedsingq, youqgaenjsingq conzdungj vwnzva Yauzcuz. Laebguh laebcaez aen gihi gikcoi, diuhdoengh gij cawjdoenghsingq, gaenxmaenx-singq bouxswnjcienz Vahyauz, mbouj-duenh gyalai vatcimh cingileix conzdungj vwnzva vah Yauzcuz.

(Vangz Fangh)

SIUSIK DINJ

简讯

● Bineix daeuj, Denzyangz Yen haenqrengz hwngfat gij canjnieb mak daegsaek, saed-hengz soengq dinfwngz roengz mbanj cangzdaiva, cujciz yienh, yanghein bouxgisuz hauej mbanj haiguh sonyinx dinfwngz ndaem mak, biucinvaq guenj-leix suenmak daengj, daezsang gij dinfwngz caeuq yauqik bouxndaemmak. Daengz seiz-neix, daengx yienh gaenq guhsat son'gyauq dinfwngz ndaem mak 7 geiz, son'gyauq vunz 7028 vunzbaez, fatcuengq swl-liu 7050 faenh.

(Maj Nizya)

● Mboengqneix, aen faen-doih senhconz "saeknding vwnzyi binggwihmax" youz bouxguhong vwnzyi Nazboh Yen gapbaenz haenx, bae daengz Bwzswngj Yangh Yavaz Cunh aen yienh neix banh cienciengz yienjok. Doiq fwen, vaiqbanj vahdeihfueng, diuq-foux minzcuz, siujbinj daengj cezmuz ndeiawj, hingzsik lai yiengh, yinx ndaej baenz cien boux vunz daengx din yawj-ngonz.

(Lingz Cinghlu)

● Bineix daeuj, Denzdungh Yen Yincaz Cin doeng-gvaq gij fuengsik yungh diemj daiq mienh, guhyienh daiqdoengh, gujli nungzhoh haenqrengz hwngfat ndaem gonengz-nuengx ciengx nonsei, mizyauq daiqdoengh bouxguhnaez saedyienh laisou. Daengz seiz-neix, aen cin neix hwngfat suen gonengznuengx mienhcik daengz 200 moux, miz 40 lai ranz ciengx nonsei, yawhsuenq daengx bi ciengx nonsei 10 buek, fat gyaq nonsei ca mbouj geijlai 600 mbaw, reh gai cungjsouhauej daengz 36 fanh maenz.

(Danz Haijdz)

● Mboengqneix, Denzlinz Yen Giucouh Cin cujciz baicuzsoj, sizyozgenh daengj danhvei haiguh aen hozdung camcaz senhconz "ndwen ancienz guhhong", hozdung cawjdaez dwg "sengmingh guh daeuz ancienz hwngfat", yiengq goengq vunz lai senhconz ndoj yiemj gouq cai, veiswngx fuengz raq, fuengzceih bingh'aiswh daengj cihsiz, gyagiengz gij yisiz ancienz vunz lai lajmbanj.

(Vuz Gvanghminj)

Yungzsuij: "Sam Mbanj Mbanjdung" Muengh Fungsou

融水: "三村侗寨" 祈丰收



Ndwen 7 ngoenz 8, Liu-couh Si Yungzsuij Myauzcuz Swciyen banh aen hozdung "sam mbanj Mbanjdung" muengh fungsou. 300 lai boux beixnuengx Duncuz ndang daenj buhvaq moqsag daj Yungzsuij Duncuz Yauzcuz Yangh, Sanhgyangh Laujbauj Yangh Laujbah Cunh caeuq Gveicouh Swngj Siudangz Yangh Gveihyenj Cunh sam aen Mbanjdung daeuj haenx, doxcomz giz ndeu, humx diuq dohyeh, boq aenvenz, doiq fwen daengj, gouzmuengh fwn yinz rumz swnh, haeuxgwn fungsou. Ndaw doz dwg beixnuengx Duncuz Guengsae Gveicouh cingq diuq dohyeh, muengh fungsou.

(Lungz Linzci/龙林智)

Lozcwngz: Fwen Cienzciengq Faplwd Fapgvi Dienhlig

罗城: 山歌传唱电力法律法规

Vih haeujlaeg doicaenh "caet haj" bujfaz cingzyauq, hawj vunz lai ndawbiengz roxyiuj faplwd fapgvi dienhlig, youq daengx biengz cau ok gij vanzging ndei ancienz yungh dien, ciuq fap yungh dien, ndwen 7 ngoenz 2, Hozciz Si gungdienh bouhmonz, Lozcwngz Swhfazgiz yungh ngoenzhaw youq Lozcwngz Dunghmwz Cin haiguh aen hozdung senhconz fwen bujfaz, hozdung cawjdaez dwg "fazgij youq sim, fwen guh moiz, fapgvi dawz hengz, aennyenz guh gingj".

Youq hothoh doiq fwen, boux-guhhong gungdienh gag bien gag dauj,

dawz faplwd fapgvi dienhlig bienq-baenz gij fwen doengsug rox ngaih, lij caeuq 100 lai boux bouxyawj laj daiz guh doxdoeng dem, hawj vunz lai dingq ndaej haeuj geiq ndaej maenh. Youq hothoh ciengjap miz ciengj cihsiz, bouxguhong bujfaz cam mizgven faplwd cihsiz caeuq yungh dien cihsiz hawj bouxyawj hoizdap, yinx ndaej hauilai bouxyawj camgya hozdung.

Ciuq cam rox, baez neix lienzhah haiguh aen hozdung senhconz fwen bujfaz, dwg aen diemjrongh Lozcwngz faplwd haeuj gihcwngz he, doengzseiz hix dwg hangh hong cujyau doeksaed

"byawz fugsah byawz bujfaz" he. Yamqlaeng guhhong, swhfaz, gungdienh daengj geij aen danhvei lij yaek lienzhah doenggvaq gij hingzsik fwen, youq daengx yienh gak yanghein cienzdo senhconz faplwd fapgvi dienhlig, hawj engq lai vunz lai daezsang faplwd yisiz caeuq fapceih gvanhnen, gyagiengz gij yisiz vunz lai rox fap, hag fap, souj fap, yungh fap, vih baujjang dangdieg ginghci ndawbiengz hwngfat gunghawj gij vanzging fapceih ndei.

(Vuz Sanghyen)